


Karnival Healthy Life Healthy Mind with Community disambut meriah

WARTAWAN KAMPUS UOLS 21 March 2018



Menyedari betapa pentingnya langkah-langkah awal penjagaan kesihatan dan mental, Politeknik Sultan Salahuddin Abdul Aziz Shah (PSA), Shah Alam mengambil inisiatif menganjurkan Karnival Healthy Life Healthy Mind with Community pada 21 Mac 2018 lalu bertempat di Dewan Al - Jazari, PSA. Program kesihatan yang diadakan saban tahun ini telah dihadiri hampir 1000 penuntut dan orang awam yang membanjiri kawasan dewan sejak awal pagi lagi.

Penganjuran karnival ini merupakan satu platform dalam menyampaikan ilmu pengetahuan tentang penjagaan kesihatan dan pencegahan diri serta langkah mencegah penyakit kanser khususnya. Menariknya, karnival kali ini lebih memfokuskan kepada isu kanser yang mana ia merupakan satu penyakit yang semakin meningkat di Malaysia dan perlu diberi perhatian. Selain itu, karnival ini juga memberi penekanan terhadap aspek kesihatan mental.

Ketua Jabatan Sukan, Kokurikulum dan Sukan, PSA, Jasni bin Mohd Noor, yang mewakili Timbalan Pengarah Sokongan Akademik, Zalina Ismail, dalam ucapannya berkata program ini bagi menyuntik rasa tanggungjawab dan kesedaran ke dalam diri masing-masing sama ada kakitangan, pelajar mahupun komuniti di sekitar Shah Alam.

